

№ 14 (366) 1940 аре
21 февралэ
Дуныз 5 коп.

6-тй арзэ поиз
АДРЕСЭЗ: Пудем село,
Удмуртской АССР

ВКП(б)-лэн Пудемской райкомезлэн но Рансоветлэн Исполкомезлэн органы

СОВЕТСКОЙ КИНЕМАТОГРАФИЛЭН УЖАСЬЁСЫЗЛЫ

ВКП(б) ЦК-лэн но СССР-лэн Совнаркомезлэн зечкыланзы

ВКП(б)-лэн ЦК-ез СССР-лэн Совнаркомез зечкылало советской кинематографилэсь ужасьёссы, асьсэлэсь кызы ар ужомзэс пусйыкузы.

Кызы ар чожэ советской кинематография данак бадзымесь азинскон'ёс басьтыз. Советской кино будыз бадзым идеяно-художественной кужымлы и со луиз кужмо средствеен массаосты коммунистически воспитать каронын.

ВКП(б)-лэн ЦК-ез но СССР-лэн Совнаркомез отё кино ужын ужасьёсты развивать карыны но азылане азингыны искусствоос пöлысь самой важнойзэ но массовойзэ — киноез, трудяшойёслэсь культуразэс котыр ласянь жугон понна страналы уногес сётоно выль художественной но мукет кулэ суред'ёс, куд'ёсыз умой мед возьматозы СССР-лэн калык'ёсызлэсь исторической ортчемзэс но социализмлэсь эпохазэ, советской адымиослэсь азинскон'ёссыс но героической подвиг'ёссыс мед дан'ялозы, асьме строительствомылэсь шуг-секыт'ёссыс вормонэ но азылаке коммунизмлэн вормонэз понна беззаветной нюр'яськонэ асьме калыкез мобилизовать мед карозы.

ВКП(б)-лэн ЦК-ез но СССР лэн Совнаркомез.

Минеральной удобренности ворттонэз вакчи дыр куспын йылпум'яно

ВКП(б) ЦК асьме дышетэ политической ужез хозяйственной ужез сочетать карыны. Партийной организациос политически обеспечить кароно луо хозяйственной кампаниослэсь успех'ёссыс но производственной заданиослэсь план'ёсызлэсь быдэсмемзэс. Али колхоз'ёсын самой главной задачеен луэ выль урожай басьтыны тулыс ю кизён кампание азе образцово дасяськон.

Арлы быдэ 8 миллиард пуд нянь басьтон сарысь Сталин эшлэн указаниез асьме районьсь тросэныз колхоз'ёсын уж вылын уг быдэсьяськы. Выль урожай бастонлэн вань условиосыз пöлысь основной условиеныз луэ муз'емез кыедан. Соин ик та ужлы нимысьтыз саклык вис'ямын луыны кулэ.

План'я асьме районьсь колхоз'ёс туэ арын 1020 тонн минеральной удобренности вайыса, асьсэлэн луд'ёссыз пазяно луо. Туннэ нуналлы минеральной удобренности ворттон'я план куашкатэмын, яке вае-мын колак 112 тонна гинэ—11 процент.

Минеральной удобренности ворттонэн номыре но уг лэсьто Пудемской но Лековаевской сельсоветысь колхоз'ёс. Нырысезлы 30 тонна, нош кыктэтйезлы 150,6 тонна план'я минеральной удобренности ваено ке, али дырлы та сельсоветысь колхоз'ёс одйг килограмм но оз ваелэ на. Сельской исполнительской комитет'ёслэн председател'ёссы Прозоров но Югов эш'ёс таин буйгаткыса уло. Соос уг косо колхоз'ёслэсь председател'ёссыс та ужез вакчи дыр куспын быдэстыны.

Минеральной удобрение ворттон'я уг луы уш'яно Еловской но Бозинской сельсовет'ёсысь колхоз'ёсты но, куд'ёсыз 16 февральлы 6—10 процентлы гинэ планзэс быдэстйзы. Бозинской сельсоветысь „1 май“ колхозлэн председателез Нелюбин эш ачиз жегатэ минеральной удобренности дырыз дыр'я ворттыса быдэстонэз. Со пöртэмесь амал'ёсын палэнскыны туртске та планэз быдэстонлэсь.

Та сельсоветысь ик Ворошиловлэн нимыныз нима колхозлэн председателез Суворов эш минеральной удобренности вайыны коньдонмы овёл шуыса супыльтэ. Нош асьсэс счетоводэн Суворовэн уртче колхозлэсь коньдонзэ 12 67 манет пянчяса быдтйзы.

Горбашевской сельсоветысь колхоз'ёс 54,9 тонна пöлысь 16 тонна визз но, со вылын буйгатскизы. Куд-ог колхоз'ёслэн председател'ёссылэн кулэтэм буйгатскеменызы сельсоветлэн исполнительской комитет'ёслэн председателез Наймушина эш примириться кариз. Со уг куры одйг колхозлэн председател'ёслэсь но, чтобы минеральной удобренности ворттон'я план дырыз дыр'я быдэстэмын мед луоз.

Вань та кулэтэм буйгатскон'ёс но примречествоос люкето минеральной удобренности ворттон'я планэз быдэстыны.

Чик малпанэз овёл, если марке но колхоз уж вылын оз быдэсты вань агротехнической мероприятия, соос уз быдэстэ Сталин эшлэсь указаниеоссе но ВКП(б)-лэн 18 исторической с'ездэзлэсь сельской хозяйство азе пунктэм задачоссэ. И, наоборот, кудйз колхоз уж вылын быдэстоз вань агротехнической мероприятия но образцово дасяськыса вакчи дыр куспын выль качествен быдэстоз тулыс ю кизён кампаниез, та колхоз обеспечить кароз выль урожай бастонэз.

Соин ик али одйг нунал но жегатскытэк минеральной удобрение ворттон планэз быдэстон понна нюр'яськоно. Та уже мобилизовать кароно вань колхозник'ёсты но колхозницаосты. Колхоз'ёслэн председател'ёсызлы вал кужым выделять кароно со расчетэн, чтобы планэз быдэстыны вакчи 2-3 нунал'ёс куспын.

Та задачаосты быдэсьяса тулыс ю кизен азе образцово дасяськыса но агротехнической мероприятияслэсь вань комплекс'ёссыс уже пыртиса та арын урожайностез жу-тон'я вылэсь но бадзымесь вормон'ёс бастон понна нюр'яськоно.

Нюлэс дасянэз но поттонэз дыраз быдэстоно

Ярской межрайлесхозлэн Переломской лесопунктгэз туж важной интыосын уж нуэ. 1940 арлэн 1-тй апрелеяз солы Глазовской лесхозлэн территорииз вылысь 19150 метр кузялазэ но 30 метр пасьталазэ, Омугнинской лесхозлэн территорииз вылысь 13264 метр кузялазэ но 20 метр пасьталазэ противопожарной полосаез корса быдэстоно. Солэн общэй площадзе 63,10 га, кытын пуэз 13000 кубической метр луоз.

Та уж бадзым инты бастэ но нимысьтыз значение иметь каре район'ёслы но колхоз'ёслы дыраз дасяны но ортчтыны гужем'ёсы нюлэс суксемлэсь противопожарной мероприятиясты. Соин чош ик та противопожарной полосаосын лесхоз'ёс туэ арын мелеорация ортчытоно луо, кудйзы Кировской управление дась ни. Али дыре со бастйз ни трактор'ёс но корчевальной машинаос.

Со расчетэн ик Переломской участок 1940 арлэн нырысетй кварталаз 10 сюрс кубометр дасяно но 15 сюрс кубометр пу поттоно луэ одйгетй апрелез, т. е. быдэстэмын луыны кулэ противопожарной полосаос мелеорация ортчтыны Удмуртской АССР-лэн Госпланэзлэн наряд'ёсыз'я.

Та уж ёсты быдэсьяны Ярской но Пудемской район'ёсысь колхоз'ёс ужано луо. Озы ке но, выль ве-

рам район'ёсысь колхоз'ёс та уж'ёсты номырлы ярантэм урод дыр лэсьяло. Вань уж'ёсты вакчи дыр куспын быдэстыны понна договор'ёс'я 100-150 процентлы ужась кужымен обеспечить карон интые, ысто 15—20 процент гинэ. 10-тй февральлы Пудемской районьсь колхоз'ёс колак 655 кубометр дасяны но 1912 кубометр гинэ поттйзы. Тазы ужаса колхоз'ёс обеспечить уз каре со планзэс быдэстыны возматэм дыре. Если колхоз'ёслэн председател'ёссы чик жегатскытэк оз ке воштэ та практиказэс, то соос гужем но ужано луозы противопожарной полосаосыз сузанын. Нош куд-ог колхоз'ёс та ужез куашкатйзы ке, нуозы ответственность заключить карем договорын возматэм пункт'я.

Дыр вуэмын ни нюлэс дасянлы но потгонлы чиньы пыртй учконлы пум поныны. Нюлэс ужын ужанлэн али решающей дырыз. Соин ик Райсоветлэн исполкомезлы ВКП(б) райкомлы, сельсовет'ёслэн исполком'ёссылэн но колхоз'ёслэн председател'ёссылы та ужлы нимысьтыз саклык вис'яно. Вунэтоно овёл сое, что нюлэс дасян планэз дырыз дыр'я быдэстыса, асьмеос юртйськомы асьме социалистической государствомылэсь обороноспособностьсэ юнматыны.

С. А. Скворцов.

Уравниловка кузёяське

Чабыровской сельсоветысь, „Б-Ключи“ колхозлэн бригадирез Марьяна Александра Павловна колхозник'ёслэн но колхозницаослэн ужамзылы ваньмызыл ик трудодень одйг мында гож'я. Солэн ужаз уравниловка бадзым инты бастэ.

Али колхозник'ёс кыед потгон ужын ужало. Ившин Л. М. Данилов И. И. эш'ёс чукна вазь ик ужаны мыныса, лумбыг мылысь-кыдысь ужало. Соос ужан нормазэс трослы мултэсэн быдэсьяло. Таосын чош ик Марьяна Анна ужа, кудйз гургысьтыз ужзэ быдэстэм бере гинэ колхозной производствое потэ. Озы ке но трудодень ваньмызы одйг мында гож'ямын.

Колхозын честно ужась колхозник'ёс но колхозницаос трос пол бригадирлэн урод уж'ёсыз сарысь, колхозлэн председателезлы Пашкин эшлы вераллязы ни ке но, пайдаез овёл, уравниловкаез быдтонлы нокыче уждрад кутымтэ.

Ившин.

Ужзэ аналтыса улэ

Баяранской сельсоветысь, „Планета“ колхозлэн культармейкаез Зоя Григорьевна Щепина эш аслаз ужаз чик ответственность шöдытэк улэ. Вань условиос тырмытэсь вал ни, чтобы неграмотной но малограмотной колхозник'ёсты умой грамоталы дышетыса выпуск лэсьтыны, но, Щепина эш та сарысь чик уг скулмаськы.

Аслэсьтыз основчой ужзэ синмаськымон пукгон интые, со чем дыр'я коркась корка ветлыса дырзэ быдтэ. Красной уголке люкаськем неграмотной но малограмотной колхозник'ёсты пöртэм амал'ёсын пöяса дышетонлэсь палэнтны туртске. Куртеев.

Минеральной удобренности ворттонлэн мынэмез сарысь 16 февральлы райзолэн СВОДКА ЕЗ (Тоннаен вераса)

Сельсовет'ёс	План	Быдэстэмын	Процентэн вераса
Пудемской	30	—	—
Чабыровской	143,5	27,5	19
Баяранской	118	11,7	10
Люмской	211	21,2	10
Горбашевской	54,8	16	30
Лековаевской	150,6	—	—
Бозинской	112,5	11,2	10
Костромской	104,5	18,6	17
Еловской	96	5,7	6,8
Ваньмыз	1020	112	11

Умой ужа медицинской пункт, кудйз али гинэ усьтэмын Квашиногордской сельсоветын (Новоселинской район, Псковской округ). Лиал фельдшерца Г. И. Щукина одйг толэзь куспын 12допри зывник ёсты ГТО значкист'ёсты дасьтйз.



Суред вылын: Щукина эш медпунктын.

